



## Sakspapir

Saksnr.	Utvål	Møtedato
005/17	Formannskapet	26.01.2017
002/17	Kommunestyret	09.02.2017

Sakshandsamar: Monika Lysne	Arkiv:	Arkivsaksnr. 16/155 - 17
-----------------------------	--------	--------------------------

### Kommunal planstrategi 2016-2020, vedtak av plan

#### Kort samandrag:

Administrasjonen har utarbeida framlegg til Kommunal Planstrategi 2016-2020 som har lege ute til offentleg ettersyn. Det kom inn 4 merknadar til planstrategi-framlegget i høyringsperioden.

#### Rådmannen si tilråding:

Kommunestyret vedtek *Kommunal planstrategi 2016-2020*, datert november 2016, med følgjande endringar:

- Delplanar vert ikkje teke med i Helse- og omsorgsplanen, som då vert ståande som eit overordna strategi-dokument for sektoren. Delplanar vert sett opp som eigne planar innafor helse med følgjande rullering:
  - Plan for folkehelse (med folkehelseoversikt) – 2017/2018
  - Ruspolitisk handlingsplan – 2018/2019
  - Plan for psykisk helsearbeid – 2018
  - Plan for førebygging, habilitering og rehabilitering – 2017
- I punkt 7 Beredskapsplanar vert fyrste planpunkt endra til:
  - Overordna Beredskapsplan med overordna ROS-analyse og smittevernplan, årleg ajourhald/revisjon ved revisjon av kommuneplan. Ansvar: helse/rådmann.

## **26.01.2017 Formannskapet**

### **Røysting:**

Tilrådinga frå rådmannen vart samrøystes vedteke.

### **FS-005/17 Vedtak:**

Kommunestyret vedtek *Kommunal planstrategi 2016-2020*, datert november 2016, med fylgjande endringar:

- Delplanar vert ikkje teke med i Helse- og omsorgsplanen, som då vert ståande som eit overordna strategi-dokument for sektoren. Delplanar vert sett opp som eigne planar innanfor helse med følgjande rullering:
  - Plan for folkehelse (med folkehelseoversikt) – 2017/2018
  - Ruspolitisk handlingsplan – 2018/2019
  - Plan for psykisk helsearbeid – 2018
  - Plan for førebygging, habilitering og rehabilitering – 2017
- I punkt 7 Beredskapsplanar vert første planpunkt endra til:
  - Overordna Beredskapsplan med overordna ROS-analyse og smittevernplan, årleg ajourhald/revisjon ved revisjon av kommuneplan. Ansvar: helse/rådmann.

## **09.02.2017 Kommunestyret**

### **Røysting:**

Tilrådinga frå Formanskapet vart samrøystes vedteke.

### **KS-002/17 Vedtak:**

Kommunestyret vedtek *Kommunal planstrategi 2016-2020*, datert november 2016, med fylgjande endringar:

- Delplanar vert ikkje teke med i Helse- og omsorgsplanen, som då vert ståande som eit overordna strategi-dokument for sektoren. Delplanar vert sett opp som eigne planar innanfor helse med følgjande rullering:
  - Plan for folkehelse (med folkehelseoversikt)– 2017/2018
  - Ruspolitisk handlingsplan – 2018/2019
  - Plan for psykisk helsearbeid – 2018
  - Plan for førebygging, habilitering og rehabilitering – 2017
- I punkt 7 Beredskapsplanar vert fyrste planpunkt endra til:
  - Overordna Beredskapsplan med overordna ROS-analyse og smittevernplan, årleg ajourhald/revisjon ved revisjon av kommuneplan. Ansvar: helse/rådmann.

### **Vedlegg:**

Lærdal kommune - fråsegn til føreslegen planstrategi 2016-2020

Kommunal planstrategi 2016-2020 - utlegging til offentleg ettersyn

Lærdal kommune, kommunal planstrategi 2016- 2020 - uttale.pdf

Ingen merknad til offentlig ettersyn - Kommunal planstrategi 2016-2020 - Lærdal kommune

Revidert utviklingsplan for omstilling.pdf

NOTAT til planstrategi Laerdal 2016-2020.docx

Framlegg\_planstrategi\_Lærdal\_2016\_2020.pdf

Planbehov 2016-2020.xlsx

### **Aktuelle lover, forskrifter, avtalar m.m.**

Plan- og bygningslova § 10

### **Saksutgreiing**

Planstrategien er ikkje ein plan, men eit enkelt verkty for politisk styring og prioritering av ressursar ut i frå planbehova til kommunen. Føremålet er å klargjere kva planoppgåver kommunen bør starte opp og/eller vidareføre for å leggje til rette for ynskja utvikling i kommunen. Planstrategien seier noko om kva planar me skal arbeide med, kven som har ansvaret planarbeidet og når planarbeidet skal gjennomførast.Kommunen har etter Plan- og bygningslova § 10-1 plikt til å utarbeida og vedta ein Kommunal planstrategi for kvar kommunestyreperiode.

Kommunestyret vedtok 10.03.2016 oppstart av prosess med Kommunal Planstrategi, men arbeidet kom ikkje i gang før i haust, sidan dåverande arealplanleggjar avslutta stillinga si i kommunen. Administrasjonen utarbeida framlegg til Kommunal planstrategi hausten 2016 etter drøftingar i Intern planforum, interne høyringar og drøftingar med leiarane for dei ulike tenesteområda i kommunen. Formannskapet vedtok 08.12.2016 å leggja framlegg til Kommunal planstrategi 2016-2020 ut til offentleg ettersyn. Det kom i høyringsperioden inn fire innspel til høyringsframlegget. Kommunestyret kan vedta Kommunal planstrategi 2016-

2020 slik den ligg føre, eller gjere vedtak med endringar.

### **Vurdering**

Fylgjande innspel kom inn i høyringsperioden:

#### Felles Landbrukskontor ÅLA, epost sendt 13.12.2016

- Har ingen merknadar

*Kommentar frå administrasjonen:*

*Merknad vert teke til orientering.*

#### NVE, epost sendt 16.12.2016

- Har ingen merknadar

*Kommentar frå administrasjonen:*

*Merknad vert teke til orientering.*

#### Hemsedal kommune, brev datert 02.01.2017

- Tek framlegg til planstrategi til orientering
- Hemsedal og Lærdal har ei rekke felles interesseområde og det er fint å ha eit samarbeid som gjeld spesielt:
  - Samferdsel
  - Felles friluftsinteresser i grenseområda
  - Innarbeide felles forvaltingstrekk av regional plan for Nordfjella villreinområde gjennom kommuneplan

*Kommentar frå administrasjonen:*

*Administrasjonen registrerer at Hemsedal kommune har eit innspeil til vår planstrategi som samsvarar med vårt innspeil på deira planstrategi- og kommuneplanprosess, og ser det som positivt at begge kommunar har fokus og vilje til samarbeid kring desse viktige felles interesseområda.*

Fylkesmannen i Sogn og Fjordane, brev datert 10.01.2017

- Både samfunnssdelen og arealdelen (for heile kommunen) er gamle, og me ser det som positivt at kommunen tek tak i dette viktige overordna planarbeidet
- Konstaterer at planstrategien i liten grad inneholder drøftingar av strategiar langsiktig arealbruk, miljøutfordringar, m.v, men at planstrategien først og fremst koncentrerer seg om vurderingar kring kommunen sitt planbehov framover. Viser til fråsegna vår 22.04.2016 og rår til at relevante merknadar knytt til dei ulike fagområda/tema i denne fråsegna vert vurderte og omhandla i samfunnssdelen.
- Positivt at Lærdal tek sikte på å samle fleire planar i sin Helse og Omsorgsplan, men saknar folkehelseoversikt. Føreset at overordna oversiktsdokumentet (Folkehelseoversikt i tråd med Forskrift oversikt over folkehelsen) vert nytta som grunnlag for å identifisere viktige folkehelseutfordringar i rullering av eksisterande og utarbeiding av nye kommunale planar, og ved utarbeiding av neste planstrategi.
- Positivt at kommunen tek sikte på å revidere gjeldande arealdel i kommuneplanen dei nærmaste åra.
- Me tolkar oversikta over planbehov slik at det er heilskapleg ROS-analyse og beredskapsplan det er snakk om i første punkt under Beredskapsplanar. Det kan me fordel kome tydelegare fram at det er heilskapleg/overordna ROS-analyse etter både Lov om sivilbeskyttelse og Lov om helsemessig- og sosial beredskap dette gjeld. Me meiner revisjon av heilskapleg ROS-analyse bør kome tydeleg fram i oversikta over planbehov.

*Kommentar frå administrasjonen:*

*Kommunen har i tråd med Fylkesmannen sitt innspeil 22.04.2016 vald å gjennomføre planstrategi-prosessen forenkla, og legge større vekt på analyse- og utfordringsdelen i arbeidet med samfunnssdelen av kommuneplanen. Kommunen vil ta med Fylkesmannen sine innspeil i denne prosessen. Når det gjeld mangl på oversiktsdokument for folkehelse i kommunen, så stemmer det at dette dokumentet burde vore på plass, og lege til grunn for vurderingar som vert gjort. Kommunen har ikkje fått utarbeida eit slikt oversiktsdokument, men dette arbeidet er i gang, og er planlagd gjennomført innan fyrste halvåret 2017. Det er Helse- og omsorgsavdelinga i kommunen som gjennomfører dette arbeidet, og dokumentet skal leggjast ved alle våre overordna planverk når dette er på plass. Administrasjonen er samd i at det bør koma betre fram av planbehov-oversikta at det er den overordna Beredskapsplanen og ROS-analysa det er snakk om i punkt 1 under Beredskapsplaner, og at*

*det kjem tydeleg fram kva som er tenkt angåande revisjon av ROS-analyse.*

Det vert elles vist til merknadane i sin heilheit som vedlegg.

Arealplanleggjar har etter høyringsperioden hatt møte med helse- og omsorgsavdelinga angåande eventuell oppstart av planarbeid for Plan for førebygging, habilitering og rehabilitering. Det kom her fram at Helse- og omsorgsavdelinga i utgangspunktet ynskja at dei store delplanane deira skulle reviderast saman med Helse- og Omsorgsplanen, og innarbeidast i denne. Det har i ettertid vorte synlegare kor omfattande revisjon av Helse- og omsorgsplanen då vil bli, og at det truleg kjem til å føre til alt for omfattande planprosess enn det avdelinga klarar å gjennomføre. Avdelinga ynskjer difor at delplanane vert ståande for seg sjølv i oversikt over planbehov, og at desse planane vert revidert i eigne planprosessar. Det har og vorte eit behov for å leggje til ein plan til på oversikta under helse: Plan for førebygging, habilitering og rehabilitering.

Adminstrasjonen meiner det ligg til rette for vedtak av *Kommunal Planstrategi* 2016-2020, men rår til at følgjande endringar vert teke med i vedtaket:

- Delplanar vert ikkje teke med i Helse- og Omsorgsplanen, som då vert ståande som eit overordna strategi-dokument for sektoren. Delplanar vert sett opp som eigne planar innafor helse med følgjande rullering:
  - Plan for folkehelse (med folkehelseoversikt) – 2017/2018
  - Ruspolitisk handlingsplan – 2018/2019
  - Plan for psykisk helsearbeid – 2018
  - Plan for førebygging, habilitering og rehabilitering – 2017
- I punkt 7 Beredskapsplanar vert fyrste planpunkt endra til:
  - Overordna Beredskapsplan med overordna ROS-analyse og smittevernplan, Årleg ajourhald/revisjon ved revisjon av kommuneplan. Ansvar: helse/rådmann.